

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BIHAĆ
GRADONAČELNIK

Broj: 05/1-11-interno-1/22

Bihać, 31.01.2022. godine

Na osnovu člana 183. stav (2) Poslovnika Gradskog vijeća Bihać („Službeni glasnik Grada Bihaća“, broj: 3/16 i 4/20) i člana 52. stav (1) tačka a) Statuta Grada Bihaća („Službeni glasnik Grada Bihaća“, broj: 13/15 i 13/18), Gradonačelnik u svojstvu predlagača propisa i drugih akata:

O D R E Đ U J E

Izvjestioca: Jasminu Čoralić, Pomoćnik gradonačelnika za finansije, privredu i poljoprivredu, na ___ sjednici Gradskog vijeća i radnim tijelima po prijedlogu tačke dnevnog reda:

Prijedlog Odluke o dugoročnom zaduženju Grada Bihaća

Gradonačelnik
Šuhret Fazlić

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BIHAĆ
GRADONAČELNIK

Služba za finansije, privredu i poljoprivredu

Broj: 05/1-11-interno-1/22

Bihać, 31.01.2022. godine

GRADSKO VIJEĆE

- ovdje-

PREDMET: Prijedlog Odluke o dugoročnom zaduženju Grada Bihaća, dostavlja se

Na osnovu člana 52. tačka k) Statuta Grada Bihaća („Službeni glasnik Grada Bihaća“, broj: 13/15 i 13/18), dostavljam vam Prijedlog Odluke o dugoročnom zaduženju Grada Bihaća uz sljedeće:

O b r a z l o ž e n j e

I. PRAVNI OSNOV ZA DONOŠENJE

Pravni osnov za donošenje Odluke o dugoročnom zaduženju Grada Bihać sadržan je u članu 67. Zakona o budžetima u Federaciji Bosne i Hercegovine („Službene novine Federacije BiH“, broj: 102/13, 9/14, 13/14, 8/15, 91/15, 102/15, 104/16, 5/18, 11/19 i 99/19) , a u vezi sa članovima 7, 19. i 21. Zakona o dugu, zaduživanju i jamstvima u Federaciji BiH („Službene novine Federacije BiH“, broj: 86/07, 24/09 i 44/10) i članu 35. tačka k) Statuta Grada Bihaća („Službeni glasnik Grada Bihaća“, broj: 13/15 i 13/18).

II. RAZLOZI ZA DONOŠENJE

Razlozi za donošenje Odluke o dugoročnom zaduženju Grada Bihaća sadržani su u aktivnostima Gradske uprave Bihać na unapređenju finansijskog sistema. Grad Bihać je u prethodnom periodu uspostavio stabilnost finansijskog sistema uz potpuno poštivanje budžetske ravnoteže. Na tom putu provedena je racionalizacija javne potrošnje što je rezultiralo efikasnim upravljanjem javnim finansijama, efektivnom javnom potrošnjom, a koja je rezultirala smanjenjem akumuliranog deficita. U skladu sa naprijed navedenim stvorile su se mogućnosti da se približimo stabilnim novčanim tokovima.

U prethodnom periodu vršene su analize u iznalaženju modela finansiranja kapitalnih investicija na području Grada Bihaća, a koji ne bi ugrozili trenutnu finansijsku stabilnost. Stabilizacijom finansijskog poslovanja dobili smo i bolji položaj na tržištu kapitala, te stvorili mogućnost da u 2022.godini dobijemo kredit po još povoljnijim uslovima.

Ugovorom sa komercijalnom bankom izabranom u skladu sa odredbama Zakona o javnim nabavkama BiH bit će precizirani svi bitni elementi u pogledu otplate kredita, cijene kredita i druga neophodna pitanja vezana za realizaciju kredita.

III. FINANSIJSKI EFEKTI

Finansijski efekti ove Odluke je stvaranje mogućnosti realizacije kapitalnih investicija u 2022.godini koje će doprinijeti dodatnim uštedama u Budžetu Grada, povećanju prihoda, odnosno otvaranju novih investicija u našem Gradu.

Cijeneći sve naprijed navedeno predlažem Gradskom vijeću da u okviru svojih nadležnosti propisanih Statutom Grada Bihaća, donese Odluku o dugoročnom zaduženju Grada Bihaća u predloženom tekstu.

Prilog: Prijedlog Odluke o dugoročnom zaduženju Grada Bihaća

DOSTAVLJENO:

- 1.Naslovu
- 2.Služba za finansije, privredu i poljoprivredu
- 3.a/a

Gradonačelnik
Šuhret Fazlić

Na osnovu člana 67. Zakona o budžetima u Federaciji Bosne i Hercegovine („Službene novine Federacije BiH“, broj: 102/13, 09/14, 13/14, 8/15, 91/15, 102/15, 104/16, 5/18, 11/19 i 99/19), a u vezi sa članovima 7, 19. i 21. Zakona o dugu, zaduživanju i garancijama u Federaciji Bosne i Hercegovine („Službene novine Federacije BiH“, broj: 86/07, 24/09, 44/10 i 30/16) i člana 35. tačka k) Statuta Grada Bihaća („Službeni glasnik Grada Bihaća“, broj: 13/15 i 13/18), Gradsko vijeće Bihać na ___ sjednici održanoj dana _____2022. godine, donosi:

PRIJEDLOG

O D L U K U
o dugoročnom zaduženju Grada Bihaća

Član 1.

Ovom Odlukom Gradsko vijeće Grada Bihaća daje saglasnost na dugoročno zaduženje Grada Bihaća u ukupnom iznosu do 1.500.000,00 KM (slovima: jedanmilijonpetstotinahiljada konvertibilnihmaraka i 00/100).

Član 2.

Kreditna sredstva iz člana 1. ove Odluke, koristit će se za finansiranje kapitalnih investicija u Budžetu Grada Bihaća za 2022.godinu.

Član 3.

(1) Uslovi pod kojim će Grad Bihać sklopiti Ugovor o kreditnom zaduženju su:

- iznos kredita 1.500.000,00 KM
- rok otplate 5 godina
- osiguranje kredita: mjenice
- uz najpovoljnije: kamatnu stopu i troškove obrade kredita.

(2) Ostali uslovi u pogledu otplate kredita, cijene kredita, regulisat će se Ugovorom između Grada Bihaća i najpovoljnije komercijalne banke, koja će biti izabrana u skladu sa odredbama Zakona o javnim nabavkama BiH („Službeni glasnik BiH“ broj: 39/14).

Član 4.

- (1) Otplata kredita (glavnice i kamate) vršit će se iz Budžeta Grada Bihaća.
- (2) Servisiranje duga – otplata kredita, vršit će se na osnovu Ugovora iz člana 3. ove Odluke i otplatnog plana sa odabranim kreditorom.
- (3) Grad Bihać će u Budžetu grada Bihaća, u periodu otplate kredita, planirati sredstva za uredno servisiranje duga.

Član 5.

- (1) Ovlašćuje se Gradonačelnik da zaključi Ugovor o kreditnom zaduženju sa izabranim kreditorom u skladu sa članom 3. ove Odluke.
- (2) Daje se saglasnost Gradonačelniku da potpisuje sva potrebna dokumenta vezana za realizaciju ovog kreditnog aranžmana, uključujući i potrebne garancije.

Član 6.

Ova Odluka stupa na snagu osmog dana od dana objavljivanja u „Službenom glasniku Grada Bihaća“.

Gradsko vijeće

Broj: _____/22

Bihać, _____ 2022. godine

Predsjedavajući Gradskog vijeća

Zulfikar Handukić